

VOTUM

CARDINALIS PEREYRA

129
Prolatum in Congregatione Particulari de mandato Sanctissimi habita die 16. Maii 1725. suprà quæstionem in præsentī Romano Concilio propositam, Utrū scilicet Regulares ordinari possint à Diocesānis extrā tempora à jure statuta.



D decisionem quæstionis in primis, ut certò supponendum est, quòd fermè omnes Religiones tam Monachales, quàm Mendicantes antè Concilium Tridentinum, vel virtute privilegiorum sibi specialiter concessorum, vel virtute communicationis eorum inter se mutuo, poterant à Diocesānis, in quorum Territorio sita erant Monasteria Sacris Ordinibus initiari, etiā extrā tempora à jure statuta, ut videre est apud *Roderic. quæst. regular. tom. 3. quæst. 23. art. 5.*, *Lezan. in sum. quæst. regular. tom. 1. cap. 14. num. 19.*, & apud multos passim.

Secundò supponendum est Concilium Tridentinum statuissē in *cap. 8. sess. 23. de reform.*, quòd nemo promoveretur ad Ordines Sacros, nisi intrā tempora à jure statuta, virtute cujus decreti intrat quæstio, an per illud revocata manerent Regularium privilegia quoad hoc.

Affirmant *Lezan. in sum. quæst. regular. dicto tom. 1. cap. 14. num. 19.*, & *tom. 2. vers. = Ordines Sacri = num. etiā 19.*, *Peyrin. in privileg. Minor. tom. 1. Constit. 2. Sixti IV. §. 11. num. 39.*, *Mirand. in Manual. Prælat. tom. 1. quæst. 38. art. 4.*, *Suar. de Legib. lib. 8. cap. 17. num. 8.*, *Vasq. in 3. part. D. Thom. tom. 3. disput. 246. cap. 5. num. 50.*, *Ricc. in dec. Cur. Archiep. Neap. decis. 93. num. 6. part. 4.*

Fundantur in eo, quia Concilium Tridentinum id omnibus expressè prohibet: quod magis confirmatur ex eodem Trid. *sess. 25. de regular. cap. 22.*, ubi præcipit, omnia, & singula in suis decretis contenta inviolabiliter observari etiā in Cenobiis, Monasteriis, & Collegiis; quibuscunque privilegiis non obstantibus; quòd jam antè præceperant Constitutiones Pii II., & Sixti V., ut videre est apud eundem *Lezan. loc. supracit.* Vndè cum habeatur lex id ex-

A

pressè

pressè prohibens, clarè sequitur, hoc jam hodiè non licere Regularibus.

Attamen in contrariam tendunt sententiam multi, & non parvæ auctoritatis DD., utpotè sunt *Roderic. quæst. regular. tom. 3. dista. quæst. 23. art. 5.*, & *tom. 1. art. 55. num. 17.*, *Villalob. in sum. tom. 1. tract. 11. difficult. 12. num. 8.*, & *difficult. 13. num. 6.*, *Joan: à Cruce de stat. relig. lib. 2. cap. 8. dub. 1.*, *Homob. de exam. Ecc. tom. 1. tract. 2. cap. 1. quæst. 3.*, *Monet. de commut. ultim. volunt. cap. 10. num. 188.*, *Barbos. de potest. Episc. part. 2. alleg. 17. num. 7.*, & in comment. ad d. cap. 8. Concil. Trid. de reform. sess. 23. num. 4., *Portel. in dub. regular. vers. Ordines Sacri num. 4.*, *Hieron. Roderic. in compend. quæst. regular. resolut. 106. num. 7.*, *Laym. lib. 5. tract. 9. cap. 8. num. 1.*, *Cælestin. in compend. Theol. Moral. tract. 8. cap. 3. quæst. 4.*, *Dian. coord. tom. 2. tract. 5. resolut. 84. num. 6.*, & 13., & *resolut. 86.*, & 87., *Martin. à S. Joseph in man. confes. tom. 1. lib. 1. tract. 5. num. 13.*, *Hynolosa Dominicanus in direct. decis. reg. verb. confirmatio, Donat. etiam Dominicanus in prax. regul. tom. 1. tract. 7. quæst. 8. num. 17.*, *Passerin. Dominicanus utique de stat. hom. tom. 3. quæst. 189. art. 10. inspect. 10. à num. 30.*, *Marchin. de Sacram. ordin. part. 7. cap. 7. à n. 1.*, *Fr. Ant. de Spiritu Sancto in direct. regul. disp. 3. sect. 3. §. 4. num. 112.*

Et fundant hanc suam sententiam in eo, nempe, quod Concillium in dicto cap. 8. sess. 23. de reform. non revocat privilegia antea quoad hoc Regularibus concessa; siquidem tantummodò disponit, quòd Ordines conferantur à Dioecesanis intrà tempora à jure statuta, ut patet ex verbis, ibi = *Ordinationes Sacrorum Ordinum statutis à jure temporibus &c. publicè celebrentur, unusquisque autem à proprio Episcopo ordinetur* = Et in hac dispositione nullam affert derogationem privilegiorum in contrarium, nec indultum aliquod speciale adimit illud habenti; quod facit in secunda parte ejusdem capitis quoad eos, qui præsumpserint Ordinationes suscipere à non suo Episcopo, absque illius dimissoriis; tunc enim revocat privilegia, vel rescripta quæcunque contraria, ut patet ibi = *Quod si quis ab alio (scilicet Episcopo) promoveri petat, nullatenus id ei, etiam cujusvis generalis, aut specialis rescripti, vel privilegii prætextu, etiam statutis temporibus permittatur.*

Undè cum in primo casu, de quo loquitur, scilicet de ordinatione extrà tempora, solum ponat legem generalem absque derogatione, & certum sit in jure, quòd generale non revocat speciale, nisi de eo fiat expressa mentio, juxta *Text. in leg. in toto 113., leg. semper 147. ff. de reg. jur.*, *leg. item apud Labeonem 15. S. Hoc edictum 26. ff. de injur.*, *leg. si non speciali 9. Cod. de Testam.*, ubi dicitur, quòd à generalitate est exemptum speciale, *leg. si Servus 27. S. 16. ff. ad leg. Aquil.*, ubi refertur non esse novum, quòd generalia specialibus subjiçiantur text, in *cap. 1. de rescript.*, *cap. studuisti de*

de offic. legat., Bald. conf. 88. in princ. lib. 2., ubi dicit, quod generalis commissio, revocatio, seu dispositio posterior non revocat specialem præcedentem, nisi de mente disponentis expressè constet, Dian. coord., & apud eum Hinoios. tom. 2. tract. 5. resolut. 84. num. 15., Tusch. lit. G. concl. 36. à n. 43., Menoch. de arbitr. cas. 97. à num. 2., & conf. 36. num. 48., & de præsumpt. lib. 6. præf. 40., Vallasc. Lusitan. consult. 72. num. 2., Rebuff. ad leg. Gallia tom. 2. in præfat. tit. de rescript. num. 103. Immò e conversò, quòd mandatum speciale posterius derogat generale antecedens, quamvis de eo non fiat mentio tradit Suar. Hispan. alleg. 28. num. 3., Vallasc. ubi proximè d. consult. 72., Cephal. conf. 393. à num. 19. lib. 3., Card. Mantica. de conjectur. ult. volunt. lib. 9. tom. 6. num. 22., tanta est enim mandati, vel privilegii specialis vis, & efficacia! Et sic bene sequitur privilegia specialia, quæ religiosis concessa erant, ut ordinari possent extrà tempora, non manere revocata per prædictum Concilii decretum, tanquam generale, & mentionem non faciens, neque revocans prædicta privilegia.

Quod corroboratur exemplo decimarum; nam si quis in aliquo loco habeat speciale privilegium Sedis Apostolicæ non solvendi decimas, si postea eadem Sedes Apostolica concedat per decretum generale decimas totius illius oppidi alicui Monasterio, vel loco Pio, non ideò manet revocatam illud speciale privilegium tali Particulari concessum non solvendi decimas; quia manet in suo vigore, prout antea erat, argumento *Textus in cap. Ex parte 10. cap. Licet, & cap. Ad audientiam, de decim. cum vulgaribus.*

Corroboratur secundò, exemplo feudorum; nam si Imperator generaliter legitimaverit filios naturales ad feuda, si antea concessum esset specialiter alicui familiæ, ut non possent in feudis succedere nisi nati ex legitimo matrimonio, non ideò manet revocata ista specialis concessio antecedens per illam generalem posteriorem, ut docet *Anchar. conf. 308. num. 7., & 8., Card. Tusch. d. litt. G. concl. 33. n. 39.*

Corroboratur tertio, exemplo statutorum, nam statutum generale posterius non derogat speciali antecedenti, ut tradit *Corn. conf. 66. lib. 1., Angel. conf. 160. in princ.,* ubi dicit, quod statutum generale disponens de alienationibus, & de bonis ad cridas ponendis non derogat statuto speciali anteriori stabilito in favorem minorum, ut bona sua non alienentur, nisi sub certa solemnitate, & forma: idem docet *Tabor. lib. 7. axiomat. cap. 9. de genere, vers. Amplia sexto,* apud quem inuenies alia multa intentum comprobantia.

Ex quibus omnibus palam fit, prædictum Tridentini decretum in dicto cap. 4., tanquam generale non derogare privilegia specialia anteriora religiosis à Sede Apostolica concessa ad ordinationes extrà tempora.

Neque convincitur resolutio ex decreto ejusdem Tridentini à contrariæ sententiæ Auctoribus allegato in cap. 22. sess. 25. de regular. in illis

illis verbis iam suprà relatis, ibi = *Hæc omnia, & singula in superioribus decretis contenta observari Sancta Synodus præcipit in omnibus Canonibus, ac Monasteriis*, = adjuncta clausula = *Non obstantibus &c.* = Ex quo deduci videtur, prædicta privilegia respectu ordinationum extrà tempora revocata mansisse virtute prædictæ clausulæ = *Non obstantibus*.

Nam ad hoc respondetur, illa verba = *Hæc omnia, & singula in superioribus decretis contenta* = intelligi debere de decretis in illa *sess. 25. de regular.* contentis; non verò de omnibus decretis per totum corpus Concilii dispersis, quod manifestè apparet ex illo verbo = *Superioribus* = ex quo liquet, loqui Concilium de decretis illic suprà relatis; aliter si sermonem fecissent Reverendissimi Patres de omnibus decretis in toto Concilii volumine contentis, hoc fecissent in ultimo capite ultimæ sessionis dicti Concilii, ubi naturaliter incidebat revocare omnia privilegia regularibus concessa, quæ repugnarent prædictis decretis, & maxime cum in aliquibus capitulis ultimæ sessionis *25. de reform.* aliquæ inveniantur dispositiones, quæ tangunt, & respiciunt Regulares; quæ quidem remaneret exclusæ, & non compræhensæ sub dispositione illius capituli *22.*; Siquidem solum loquitur de superioribus decretis, & non de inferioribus, seu subsequenter ita eruditè docet, & tenet *Roderic. in dicta quest. 23. art. 5. vers. Nec contra hoc obstat*.

Nec etià contrà hanc conclusionem facere videntur Constitutiones *Greg. XIII.*, quæ incipit = *Superna* = *18.* in ordine, ædita *12. Julii 1574.*, & *Sixti V.*, quæ incipit = *Pontifex Romanus* = *34.* in ordine ædita *17. Maji 1586.* à DD. opiunionis adversæ ponderatæ, quatenus confirmantes regularium privilegia, adjiciunt clausulam = *Dummodo non sint contraria decretis Concilii Tridentini* = Et cum privilegium suscipiendi ordines extrà tempora sit oppositum decreto Tridentini in dicto *cap. 8. de reform. sess. 23.*, benè sequitur, prædictum privilegium post Concilium subsistere non posse.

Quia ad hoc respondetur, argumentum non convincere, immo potiùs intentioni favere. Et ut clariùs pateat, huic dubio duplici responsione satisfacere intendimus. Prima sit, quòd præfatæ Constitutiones non agunt de revocatione, sed de confirmatione privilegiorum Regularium, & dicunt, quòd confirmant ea, quæ non sint contraria Concilio Tridentino, ergò quæ sunt contraria non confirmant; sed non ex eo sequitur, quòd revocent; siquidem confirmatio nihil ponit de novo, sed tantum dat robur confirmato, quin ad aliud extendatur, juxtà *Textum in cap. 1. de confirmat. util. & inutil. cap. Inter dilectos 6. S. Porro, de fin. instrum. l. Aurelius 28. S. Testamento ff. de lib. legat.* Undè quod non est confirmatum remanet in eodem pondere, vigore, & statu, in quo antea erat, tanquam quid ommissum, & non cogitatum, ex regula *Textus in l. Commodissime ff. de lib. & test. l. Cum Aquiliana ff. de transact., Roman. cons. 294. circa fin. Cephal.*

Cephal. conf. 3. num. 100. lib. 1. , Castil. contro. lib. 5. par. 2. cap. 116. & num. 4. cum multis aliis . Ideòque illa privilegia, quæ existimari possent opposita decretis Concilii non manent confirmata, sed remanent in dispositione Juris domumonis, & DD. judicio subiecta ad hoc, ut examinent secundum eorum clausulas, & qualitates, an subsistere, vel non subsistere valeant; sed non ideò intelligi debent revocata; aliàs etiam Jesuitæ remanerent absquè prædicto privilegio Gregorii XIII. infra citando, & censeretur revocatum: Siquidem Sixtus V., qui floruit post Gregorium XIII. confirmavit, ut supra dictum est, omnia privilegia Regularium, quæ non essent opposita decretis Tridentini; atqui privilegium Greg. XIII. Jesuitis concessum est oppositum decreto Concilii Tridentini in dicto cap. 8. secundum opinionem DD. contrariæ sententiæ, ergò præcisè reputari debet revocatum,

Augetur difficultas; si decretum generale Concilii in d. cap. 8. revocaret privilegia specialia antecedentia Regularium, etiam decretum generale Sixti V. revocaret privilegium speciale Gregorii XIII. Jesuitis concessum; atqui non revocat, ut praxis testatur; ergò nec etiam Concilium alia similia privilegia Regularibus indulta: & hoc totum ex illa certissima regula, quod generale non revocat speciale,

Secunda responsio sit, quod præfatæ Constitutiones Gregorii XIII.; & Sixti V. non solum non revocant, sed potius confirmant prædictum Regularium privilegium ad hoc ut possint suscipere Ordines extrà tempora; quod, ut melius concipiatur, sic conficio argumentum. Gregorius XIII., & Sixtus V. confirmant privilegia Regularium, quæ non sint contraria decretis Concilii Tridentini; Sed privilegium Regularibus concessum suscipiendi Ordines extrà tempora non est contrarium Tridentini decretis, ergò &c.

Quod non sit contrarium patet ex eo, quia Concilium tantum disponit, quod Ordines Sacri suscipiantur intrà tempora à jure statuta, sed non revocat privilegia Apostolica antea concessa aliquibus Regularibus, ut ordinari possint extrà tempora. Ergo illi Regulares, qui habebant hujusmodi privilegia, non fuerunt comprehensi in dicta dispositione Concilij; quia istud non poterat comprehendere casum, de quo non fuit loquutum, nec cogitavit, ex regula prædicti Textus in leg. Cum Aquiliana ff. de transact. Vndè, si Concilium non comprehendit casum dictorum privilegiorum specialiter concessorum, tanquam de eo non cogitantem, bene sequitur, talia privilegia non esse contraria decretis dicti Concilii; quia, si de eis non loquitur, nequè super ea aliquid disponit, quomodo possunt esse illi contraria? Ergò si non sunt contraria (ut apertè videntur non esse) clarum fit, quod non solum illa non revocant, sed potius confirmant Constitutiones Gregoriana, & Sixtina; siquidem confirmant Regularium privilegia, quæ non sint contraria decretis Concilii Tridentini.

Nequè etià aliquid afficit alia Constitutio Sixti V., quæ incipit = *Sanctum, & salutare* = 19. in ordine ædita nonis Ianuarii 1589., ubi comminatur diversæ penæ adversus eos, qui peccantèr, & etià extrà tempora se promoveri faciant ad Sacros Ordines, ubi etià adiciit clausula = *Non obstantibus Constitutionibus*.

Quia ad hoc respondetur, quod huiusmodi Bulla redacta fuit per Clementem VIII. in alia sua, quæ incipit = *Romanum Pontificem* = 40. in ordine, ædita prid. Kal. Martij 1595. ad terminos Concilii Tridentini: quo casu, ad eandem applicatur responsio, quæ suprà data fuit objectioni deductæ *ex cap. 8. d. Conc. de reform. sess. 23.*

Ultra quam quòd ex alio principio nihil officit prædicta Constitutio: siquidem loquitur de illis, qui nimia simplicitate, malitia, aut fraude, siuè aliàs minus ritè, aut temerè se ingerant ad Ordines suscipiendos, ut clarè patet ex ea ibi = *ne nimia simplicitate, & imperitia, malitiave, aut fraude &c.* & ibi = *siuè aliàs minus ritè, vel etià temerè se ingerant* = Quod minimè applicari potest Regularibus habentibus privilegium, ut ordinari possint extrà tempora; quia tunc non temerè, non malitiosè, non fraudulentèr, nec minus ritè; sed cum legitimo titulo se præsentant, ut Ordines suscipiant. Et ità nihil contrà hanc sententiam facit prædicta Sixti Constitutio; exornat optimè *Roderic. d. quæst. 23. art. 5. vers. Nec supradictis obstat Constitutio* = cum multis aliis DD. suprà relatis.

Sed ut ad metam deveniamus, omnem prorsus in materia tollit ambiguitatem Constitutio Gregorii XIV. respectu Cisterciensium, quæ incipit = *Romanus Pontifex* = 16. in ordine, ædita 6. Septembris 1591., & alia ejusdem Pontificis in ordine 17., quæ incipit = *Illius, qui pro regis* = ædita eodem anno 1591. Kal. Octobris respectu Cruciferorum, quibus concessit prædictus Pontifex omnia, & singula privilegia Societati Jesu, & alijs Religionibus indulta.

Nec ob stare potest, quandò dicatur, privilegium in hac parte Jesuitis concessum esse incommunicabile; Siquidem Greg. XIII., qui illud concessit per Bullam, quæ incipit = *Pium, & utile* = 77. in ord. editam 12. Septembris 1582., declarat, quod eo uti, & gaudere non possint aliæ Religiones cum ipsis Jesuitis communicantes.

Quia ad hoc respondetur, quod hoc benè facere poterat prædictus Gregorius XIII. respectu sui ipsius, vel suæ intentionis; sed in sua non erat potestate ligare manus suis Successoribus. Undè cum Gregorius XIV. absque ulla restrictione, vel limitatione concederet alijs Religionibus, ut gauderent omnibus gratiis, & privilegijs Societati Jesu à Sede Apostolica concessis, & inter ea sit unum, quod ordinari possint extrà tempora, benè sequitur, ut omnes aliæ Religiones cum ipsa Societate communicantes eodem privilegio uti, & gaudere valeant indubitanter, optimè *Donat., Hinoios., & alii apud Dian. ubi supra d. resol. 84. num. 6. cum seqq.*

Sed absque eo, quod indigeamus Constitutione Gregorii XIII., ad effect
alia

alia Clementis VIII., & altera Pauli V. edita Kal. Decembris anno 1609., per quas concedunt prædicti Pontifices Fratribus Minoribus, ut possint extrâ tempora à jure statuta Dominicis, vel aliis festivis diebus Ordines suscipere, ut videre est apud *Barbos.*, qui multos in comprobationem citat in *Commentar. ad d. cap. 8. Conc. Trid.*

Adest etiâ alia Constitutio ejusdem Clementis VIII., quam authenticam suo tempore offeram, editam die 23. Novembris anno 1596. per quam concessit Religiosis Congregationis S. Ioannis Evangelistæ in Portugallia, ut Ordines suscipere possent extrâ tempora, & hoc privilegium affirmat vidisse, & legisse in compendio Bullarii illius Congregationis *Portel, in dub. Regular. ver., Ordines Sacri, num. 4.*, cui, ut Nationali ejusdem Regni, omnis fides adhiberi debet: Et ego deponere possum, quod non solum Fratres prædictæ Congregationis, sed aliarum etiâ Religionum in dicto Regno consistentium ab Episcopis passim, & frequenter ordinantur extrâ tempora, absque ulla hæsitacione, vel conscientie repugnantia; quod non fieret à Viris satis doctis, & timoratis, nisi darentur à Sede Apostolica privilegia, & indulta id certò concedentia. Et cum omnes Religiones hodiè inter se mutuò, & reciproce communicent omnia privilegia, quæ suo statui, & Regulæ non repugnent, ut videre est latissime apud *Roderic. quæst. Regul. tom. 1. quæst. 55. ab art. 1. usque ad 22.*, in claris manet, quod omnes Regulares hodiè, vel virtute privilegiorum sibi specialitè concessorum, vel virtute communicationis eorum inter se, licitè, justè, & indubitanter possunt Ordinibus Sacris initiari extrâ tempora à lure statuta. Ità sentio, salvo &c.

R O M Æ, MDCCXXV.

Ex Typographia Reverendæ Cameræ Apostolicæ.

Superiorum permisso.

